

تورکیا

بویوک ملت مجلسی

ضبط جریده سی

اوتوز آلتنجی اجتماع

۲۹ نisan ۳۳۸ جمعه ایرتسی

مدرجات

- ضبط سابق خلاصه سنک قرائتی
- اردنه مبعوثی شرف بکک شرعیه وکالتندن سؤال تقریری
- شرعیه وکیلک استعفا نامه سی
- سینوب مبعوثی حتی حای بکک تلغرافی
- فقراى خلقک تداویسی ایچون جلب ایدیلجک ادویه نیک کر رسندن استئناسنه دائر اولان تکلیفک روز نامه به ادخالی
- قسطمونى مبعوثی بسم بکک داخلیه وکالتندن سؤال تقریری
- مأمورین محاکمات هیئت ایچون انتخاب
- اقتصاد وکالتی ایچون انتخاب

برنجی جلسه

بر مذاکرات

دقیقه ساعت
؛
°

[رئیس — رئیس ثانی رؤف بک افندی]

کاتب : ضیا خورشید بک (لازستان)

ضبط سابق خلاصه سنک قرائتی :

رئیس — جلسه یی کشاد ایدیورم . ضبط سابق خلاصه سی اوقونه حق . (اوقوندی)

ضبط سابق خلاصه سی حقه سوزایستین وارمی ؟

اوپراتور امین بک (بروسه) — افندم ؛ کچن کونده

عرض ایتمشدم . استعفا وارد دکلدرد . وکیل اسقاط

ایدلمشدر . بناء علیه استعفا موضوع بحث اوله ماز وضبطه کچه من .

سری بک (ایزمیت) — استعفا نامه اوقونورسه

دوقور بک افندی ! هیئتک حقمده کوستردیکی عدم

اعتماد فرارینی استعفا نامه مده صراحتاً یازدم . بوتعیردن

اجتناب ایتمدیکمی اوراده کوستردم ، صاقلامادم . هیئت جلیله یه حقمده عدم اعتماد بیاندن دولانی اصولاً استعفا ایتمد دیدم . (اوت صدالری)

حسین عونى بک (ارضروم) — افندم ؛ تشکیلات

اساسیه ده یازیورکده : « بویوک ملت مجلسی وکیللرینی تبدیل

ایدرد . بز تبدیل ایندک . اساساً استعفا ده نایمجلدر .

بو تبدیلدر ، بویوک ملت مجلسی وکیللرینی تبدیل ایدیورم ، بزده تبدیل ایندک . باشقه مسئله یوقدر .

رئیس — افندم ؛ ضبط سابقه عائد باشقه مطالعه

وارمی ؟ (خایر سسلری) سری بکک « عدم اعتماد بیان

ایدندیکندن دولانی علی الاصول استعفا ایتمد » ديه محرر

استفانامه سی بوراده او قوندی . بونک ضبطه کچمسنده
بر محذور یوقدر . دوغری دکلی اقدم؟ (دوغری سسلری)
ضبط سابقه عیناً قبول ایدنلر لطفاً ال قالدیرسون !
قبول ایدلدی .

ادرنه بصورتی شرف بکک شرعیه دالتنرد سوال تقریری :
شرف بک (ادرنه) — رئیس بک بنده کزک اوج
آی اول شرعیه ، اوقاف ، معارف ، عدلیه ، خارجیه
و کالتنردن صوردیغیم سؤاللر واردر . اوج آیدر
جواب ویرلمه مشدر . بناء علیه ؛ بونلر تکرار ایدلسون
و جوابلرینک ویرلمسنی رجا ایدیورم . جوابلری کلدیسه
نهدن او قونما یور؟ .. مسئله خصوصی دکل ، عومیدر .
رئیس — اقدم ! ظن ایدرم جوابلر کلدی ، فقط ؛
هیئت جلیله کزک برقراری واردر . بودجه نک مذاکره سی
زماننده بو سؤالارک جوابی ویرلمه جکدر .

شرف بک — بنده کزک شرعیه و کالتنردن صوردیغیم
سؤاللر بودجه ایله علاقه سی اولمیان مسألدره او قونورسه
مجلس عالیکز تقدیر بویوره جقدر ، مجلسک عدالتنه التجا
ایله عرض ایدیورم . (او قونسون سسلری) اوج
آیدر ، جواب ویرلمه یور . کلدیسه او قونسون .
رئیس — اقدم ! سؤاللر اوتوز قرقره قریبدر .
اقدم ! شرعیه و کالتنردن کلن جوابک بو کون او قونمسنی
قبول ایدنلر ...

صالح اقدی (ارضروم) — بونی رایه قویمنه
حاجت یوقدر اقدم ! (کورولتیلر)
یحیی غالب بک (قیرشهر) — هر شیئی رایه می
قویه جقسکز ؟

حسین عوننی بک (ارضروم) — اقدم ! بویوردقلری
کچی بو کون سؤال واستیضاحلر اوتوز ، قرقره بالغ اولدی .
سببی بودجه مناسبته . اوزمانه تعلیق ایدلدی بودجه
مذاکره سی غایت آچقدر . سؤال و استیضاح
مسئله سی او اناده موضوع بحث اولور دیه حسن بک
آندی ، آندی جوابلری ده بریکدی قالدی . پنجنشنبه
کونلرینی سؤال واستیضاحه خصر ایتمشدک . فقط ؛ بکک
بویوردینی کچی بویله مهم سؤال واستیضاحلرک بر آن

ایچون بیله تأخیری جاژد کلدبر . بودجه مذاکره اولتورکن
خصوصی اوله رق یکیدن بر استیضاح و سؤال یا نلامسنی
آکلارم . عجبا شرعیه و کالتی بودجه سی قاچ آی صکره
مذاکره ایدیه جکدر که بو جوابلر او قونه جقدر . اسکی
قرار کزده دوام ایدرک بو استیضاحک نتیجه سی آنتجه به
قدرینه پنجنشنبه کونلری بو خصوصه دوام ایتمه مزنی
موافق کور یورم . اک مهم حق مزنی بو صورته استعمال
ایتزسه ک ، بریکدی رسه ک دوغری بر شی یا پاماش اولورز .
شرف بک (ادرنه) — اقدم ! دنیاده بعضاً
امر واقملر چوق شی یاپار . شرعیه و کالتنردن بعض
سؤاللر صوردم . (ایشیتیم یورز ، خیزلی سویله ینت
سسلری) شرعیه و کالتنردن بعض سؤاللر صوردم
اقدم ! شمعی مجلس عالیکز او قویه جقم . اگر
او قودیغیم سؤاللر اساسه تعلق ایتزسه اوزمان سز
تقدیر یکنزی یاپار سکز .

« آشاغی یه نقل ایتدیکم جهاتی شرعیه و اوقاف
و کالتنردن سؤال ایدیورم . لطفاً جواب اعطاسنه عنایت
بویورورلری ؟

برنجی سؤال : تورکیا بویوک مات مجلسی حکومتی
بر اسلام دولتی اولسنه و تأسیسات قدیمه دینییه سی موجود
بولونمسنه مبنی شرعیه و کالتی (سیاست شرعیه) حقنده
نه کچی اساسلر قییت ایتمشدر ؟

ایکنجی سؤال : تورکیاده مسکون اسلام خلقک
تربیه دینه خصوصنده کی راجلیتی میدانده اولمغله بو کون
ضرورات دینییه سی بیللمه یین مکلفینک عددی یوزده
سکسانی متجاوزدر . بونلر حقنده شرعیه و کالتی ، تعلیم
احکام ایچون ، نه قییلر تیشیدنه بولونمشدر ؟ واقعا معارف
و کالتی مکتبیلری واسطه سیله تربیه دینییه ایضایه مأمور
ایسه ده شرعیه و کالتی ده مفتیلری ، کوی اماملری واسطه
سیله ده عملی بر صورتده ضرورات دینییه ایضایه مجبور
اولدیغندن بو بایده نه لری پامشدر ؟

اوچنجی سؤال : وحدانیت باری یی ، اسم پاک بی یی
و شرائط اسلام و ایمانی بیللمه یین پاک چوق خلق ، دزین
بر عمان غفلته دوشه رک کویلمزنده کی جوامع شریفه مان

همان متروك برحاله گلشنه و بر كويده در سنجه قرائت آياته و تعديل ارکان داخلنده اداى صلاته مقتدر اماملر بولونماسنه ميني هر كون بر آز دها آرتان بو غفلتك او كنه كيمك ايچون ، شرعيه و كالتى نه كهي تدبيرلر اتخاذ ايتكمده در؟ .

در دنجي سؤال . تور كيا بويوك ملت مجلسى حكومت اسلاميه سى ، جهان ايمانك امامه توحيدى اولسنه و احكام مينه قرآنيه حاكم كونين بولونمسنه ميني شان اسلام حقنده شرعيه و كالتك اسلام شمول تشكيلات و تشبثاتى نه در؟ .

بشنجي سؤال : حقائق ايشانك ثبوتنه علم بشرك تعلق اعتباريله بوندى متحصل احكام اعتقاديه ده كي تخالف حاضر ك تور كيا اسلاملر ني آيريديني نقاط اصله و اساسه تعلق ايمه مكله برابر هر حالده جهت وحدت تايمين ايدمه بيجك درجه متفرق اولديني ده ميدانده بولونمقله تلفيق مذاهب دكلسه بيله و حيد ولايتجزي اولان ايمان و اسلام حقنده موحدسك فروعات و بدعاته كي تخالفنى ازاله ايچون شرعيه و كالتى بعض تشبثات متمرانده بولونمشميدر ؟

آلنجي سؤال : سلف صالحينك طريقه تربيت و تهذيب اولارق تاسيس ايتدكلى طرائق موجوده نك و استانه و در كاھلك حال حاضر ده كي عملى وظيفه لرى تاميله پريشان و متروك قالارق اساسات اعتقاديه و داب صوفيه نك قرين قبولى اولميان رجوق روايات و بدعات افكار ناسده بر عقيدده شكنده يرلشمش اولسنه ميني بونلر تاسيسنده كي مقصد اولايه دوعرو بر رجعت خير خواهانه به شرعيه و كالتى دلالت بويورمشميدر ؟

يدنجي سؤال : تور كيا بويوك ملت مجلسى حكومتك شرعيه و كالتى ، عالم اسلام ايچون بر مرجع كل اولسنه ميني افكار و آثار اوزرنده ، بو قدر انقلاب عظيم ميدانه كلديكي حالده كوريليور كه سر خلقيدن اوزاقرشان بشريت نهايت صفوت و سادكيه دوعرى رجعتله حياتك سعادتى آنجق بونده كورمكه چالشمقده و بونلرى ايسه المنالله تاميله حضرت قرآن حكيم جامع بونمقده اولديقدن شو حالده اساسات جديده يي فرقان مينك نصوص مباركه سيله توثيق ايدرك اسلامك بذاته ثابت عظمت و علويتى نشر و اعلان ايچون شرعيه و كالتى بر تشبثده بولونمشميدر ؟

سكزنجي سؤال : طريق جليل علمى به بر صلاحيت و مظهر بت كليه مسئله سيدر . شو حالده ذى علماده بولونان اخيار امتك موقع بالاي تكريمى اسلام آراسنده اعلا و ترفيع ايچون ، شرعيه و كالتى بر اصول مخصوص اتخاذ ايتشميدر ؟

طقوزنجي سؤال : تور كيا ديديسى مستنا اوليق اوزره بيك طقوز يوز يتش بش اوقاف موجوددر . بونلر حقنده اصل تسجيل وقفه مستند قيود اساسيه اوقاف و كالتنده موجود ميدر ؟

اونجى سؤال : مواضع بره مصروف اوقافك محبوس مؤيد اولسنه نظراً اجار تين و توسيع انتقال كهي اصلاً شرط وقفه تعلق ايتمين بدعتلرى طرد و دفع ايله وقفك ماشروط لهنه صرفى حقنده و كالت صرف مساعى ايله مشميدر ؟

اون برنجي سؤال : اوقاف مضبوطه و ملحقه نك ۱۲۶۰ تاريخندن رو جريان ايدن سوه استعمالنه اوقاف و كالتى تور كيا بويوك ملت مجلسى شاننه لايق بر صورتده ؟ نهايت ويره نك وقفدن مقصود بالذات اولان خصوصى اظهار و اجرا ايله مشميدر ؟

اون ايكنجى سؤال : مدارس علميه نك و درگاه شريفلك اوقافى تثبيت ايله بونلرى خرابى و يریشانلقدن نه درجه يه قدر محافظه ايدمه بيلمشدر ؟

خلاصه : شرعيه و كالتندن بو سؤاللرى صوردم . شمدي صورتيورم ؟ مجلس عاليكزه : بونلر جوابه لايقميدر ؟ دكليدر ؟

رئيس - افندم ! بو سؤالك جوابى كلشدر . فقط ؛ بودجه نك مذاكره سى مانع اولمشدر . پنجشنبه كونه معاقدى ، ايشمز چوقدى . بناء عليه آرزو ايدرسه كز ايكنجى جلسه ده اوقويه بيليرز .

سليمان سرى بك (بوزغاد) - افندم ! بو سؤالره جواب ويرلمش ايسه بو كون ايچون بايله جق برشى قالمش ديمكدر .

رئيس - افندم ! بو كون جوابك اوقونمسنى قبول ايدنلر لطفاً ال قالد پرسون ! (ا كلايه مدق سسلرى) جوابك پنجشنبه كوني اوقونمسنى قبول ايدنلر لطفاً ال قالد پرسون ! پنجشنبه كوني اوقونمسنى تقرر ايتدى . بولى معونى عبدالله

افندیك زونگولداقده كي بر دیوارك اوقافه تركنه دائر
تكلف قانونیسی وار . لایحه انجمنه کوندریوروز .

شرعیه دکیك استغفانامی :

روسه مبعوثی مصطفی فهمی افندیك شرعیه وکالتندن
استغفانامه سی وار . او اوقونه جق .

ریاست جلیلیه

بو یوك ملت مجلسك كچن بازار ايرتسی کونی اجتماعنده
حاجی بککاش ولی حضر تیرینك زاویه سی پوست نشینکندن
عزل ایدیلن حسن افندیك اعاده مأموریتی حقدنه کی
استدعا انجمنی مضبوطه سی هیئت عمومیجه مذاکره اوله رق
قبول ایدلمشدر .

حل مسئلهده اختیار اولونان بوصورت هیئت جلیله نك
شمدی یه قدر حق عاجزانه مده اراز ایده کلدیکی اعتماده
ضعف طاری اولدیغنی کوستیریور .

بناء علیه امور شرعیه و اوقاف وکالتندن استغفا ایدیورم .

قبولنی رجا ایدرم افندم . ۲۷ نیشان ۳۳۸

روسه

مصطفی فهمی

سینوب مبعوثی فهمی حامی بکک تلغرافی :

— سینوب مبعوثی حق حامی بکک سینوب
حرقرزدکانه مجانا کراسته اعطاسی حقدنه کی تکلیفك
تسریع مذاکره سنه دائر تلغرافی وار . او اوقونه جق :
سینوب

آقرهده بو یوك ملت مجلسی ریاسته

سینوبه کلدیکم کونده بری نظر دقتی اهمیتله جلب
ایدن ایکی ماده نك عرضنی مملکتک منافعی اقتضاسندن بولدم .

۱- برنده مصر بدنی تأدیهدن طاجز آچلغه محکوم
ارککسر قادیلرله چوجوقلرینك اعاشه سی ایله تدارکی
ضروری تخملق ایچون ، سینوب زراعت بائقسه سی واسطه سیله
سکزر بیک لیرا مقدارنده برمیاغ درحال ریجبرلره بورج
ویرلمدیکی قدرده شمیدین اچلقدن اولمکه باشلا یانلرک
عددی کوندن کونه آرتیجی کبی قضائی زراعت سببیه
آتی دنخی دوشونجالی بولنه چفندن اهمالی غیر جائز
اولان اشبو خصوصک مستعجلاً نظر دفته آلمسنه دلالت
بو یورلمسی .

۲- آتی سنه دنیرو هر درلوشرا فطرحیدن عثروم مغاره
مثلاو محللرده اقامت ایتمکده بولنان حرقرزدکانی حقدنه کی

۳۳۷ سنه سی بدایتندن بری روزنامه مذاکرانه بکله یین
قانونک موسم انشآت کچمهدن اول مستعجلاً استاجنی

هیئت جلیله لرینه عرض ورجه ایدرم . ۲۴-۴-۳۳۸

سینوب مبعوثی

حق حامی

حسین عونی بک (ارضروم) — بونی سؤاله قلب
ایدرك اقتصاد وکالتندن صورالم افندم . اوسؤالی بنده کز
قبول ایدیورم . زراعت بائقسه سی اورایه نیچون پاره
ویرمیور ؟

رئیس — افندم ! تلغراف ایکی طلبی جاءعدر .
بریمی محتاجین زراعه (۸) بیک لیرانك اقتصاد وکالتنك
زراعت بائقسه نندن تأمینیه ، دیکرکی ده سینوب حرقرزدکانه

مجاناً کراسته اعطاسی حقدنه برلایحه قانونیه تنظیم ایدلمش
وروزنامه ده دره مذاکره سی طلب ایدیورم . تسبیب ایدرسه کز
بونی روزنامه مذاکرانه وضع ایدم . اساساً روزنامه ده

داخل بولنان کراسته قانونک مستعجلاً مذاکره سی
رأی عالیکزه وضع ایدیورم . قبول ایدنلر لطفاً ال
قالدیرسون ! قبول ایدلمشدر افندم . مناسب بر زمانده
مذاکره ایده جکز .

صالح افندی (ارضروم) — دیکر فقره یی رأیه
وضعه لزوم یوقدر . بو بر قانوندر . زراعت بائقهلرنده
موجود پاره ذاتاً زراعه مخصوصدر ، کندی ماللر ایدر .
والده پاره ده واردر . کندیلری دوغریجه مرکزندن
اورایه پاره کوندریر ، زراعه اقراض ایدرلر .

رئیس — تسبیب ایدرسه کز اقتصاد وکالتنه تبلیغ
ایدم .

حسین عونی بک (ارضروم) — سؤال ماهیتنده
اولمیدر ، رئیس بک !

رئیس — بو تلغرافک ایکنجه ماده سی اقتصاد
وکالتنه تبلیغ ایدیوروز .

اوبراتورامین بک (روسه) — پاره ویرلمک شرطیه
حواله ایدم باری ... یاخود حسین عونی بکک تکلیفی
وجهله سؤال طرزنده کوندرم .

لطفی بك (ملاطیه) — بو پاره طوبدنی ایسته .
نیلیور ؟ یوقسه بو پاره استقراض ایدمکمی ایسته نیلیور؟
بو سکز بیک لیرا پاره ، منفرداً زراعه اقراضمی ایدمک
ایسته نیلیور؟ ذاتاً بونلر منفرداً مراجعت ایتمک لری
زمانده پاره لری وار ایسه آلابیلرلر .

رئیس — بوجهی بیلیمورز . شرائطی وکالتله دائره
عائده سی طرفندن حل ایدیور .

تلفرافی اقتصاد وکالتنه تودیع ایدیورز .

فقرای خلقک تراویسی اچوره جلب ایلمه بک ادویه نیک
کمرک رسمنده استئاسنه دائر اولاره تکلیفک روزنامه
ادعای :

ارضروم مبعوثی صالح افندی نیک فقرای خلق اچون
جلب ایلمه بک اجزانک کمرک رسمندن استئاسی حقنده کی
تکلیفک تسریع مذا کره سنه دائر تقریری واردر :

ریاست جلیله

تداوی به محتاج فقرا و ایتمه مجاناً ویرمک اوزره بلدی
اداره لری طرفندن غربا خسته خانه لریله بلدی اجزا خانه لری
اچون خارجدن آله جق علاج لک کمرک رسمندن استئاسنه
سنه دائر بش آی اولیسی ریاست جلیله به تقدیم ایلمدیکم
لایحه قانونیه علی الاصول لایحه ، قوانین مالیه ، موازنه
مالیه انجمنلرندن تصدیقاً هیئت عمومیه به حواله و روزنامه
مذا کرانه ادخال ایلمش ایکن مع الاسف مملکتک ،
خلقک صحت و نفعنه عائد اولان شو بر قاچ ماده لک تکلیف
قانونی ایجه زماندنبری مذا کره به وضع اولونه مدی ..

بوکون حکومت ملیه مزک مرکزی اولان آقره ده ،
دوت ساتی غربا ملق بر عدد سولفاتو حی اوج غروشه
آله بیلیمکده ایکن ولایات شرقیه نیک بک چوق قصبه لرنده ،
بونک بر عددی بش غروشه اولسون کوچلکله بولتمقده
وققرا صنئی ایسه تداوی ایلمه مه مکده در . هر کسجه
مسلمدر که : صحت ، ثروتک سرمایه سی ، ایتم و فقرا
ایسه ملتک امانتدر . بناه علیه ؛ خلقک ، فقرانک نفعنه
عائد معروض تکلیفک مستعجلاً و تقدیماً مذا کره به

وضعی هیئت جلیله دن استعطاق ایلمر .

۲۵ نیسان ۳۳۸

بویوک ملت مجلسی ارضروم اعضاسندن
صالح افندی

صالح افندی (ارضروم) — اقدم ! بو بر ماده لک
تکلیف قانونی . غربا خسته خانه لرینه سبب ایلمه بک
ادویه نیک کمرک رسمندن استئاسنه دائر در . باشقه بر معا
مله سی یوقدر . بر ماده لک بو تکلیفی قبول ایدم . دائماً
فقر این پاره المق ایچون بر جوق تکلیف یو کله تیورز .
فقط ؛ فقرانک نفعنه عائد بر شی چیقیمی ؛ گوشه لره آتیلیور .
مصطفی کمال بک (ارطغرل) — ظن ایدرسه م بو
بابده بر استئاسیت قانونیه اولاجق !

صالح افندی (ارضروم) — یوقدر ، یوقدر اقدم ، اولسه
تکلیف ایدیلمی ؟

رئیس — اولجه یالکزر مالی قوانینک مذا کرانه
قرار ویرمشدیکز .

سلیمان سری بک (یوزغاد) — دوندک اقدم .
رئیس — بک افندی ده بوکون بحث ایتمدیکی تکلیفک
مذا کره سنی ایسته یور .

صالح افندی (ارضروم) — بوکون دکل ، یارین
اولسون اقدم ..

رئیس — یارینکی اجتماعه مذا کره سنی تکلیف
ایدیورلر . صالح افندی نیک تکلیفی وجهه یارینکی اجتماعه
مذا کره سنی قبول ایدنلر لطفاً ال قالدیرسون ! (یارین
مجلس یوق سسلزی) یارینکی اجتماعه مذا کره سی
قبول ایلمدی .

صالح افندی (ارضروم) — رایه وضعکز یا کلش
رئیس بک !

رئیس — اجتماع آتیده دیورز اقدم ..
اجتماع آتی یارین دکل ، او بر کوندر .

قسطنونی ببعوثی بسیم بکک راضیه ولاتندنه سؤال
تقریری :

قسطنونی مبعوثی بسیم بکک متارکینی متعاقب وطندن
اوزا قلاشان نیمسه لک آنا وطنه عودت لرینک منعی اسبابنه

رمضان شريف ، مبارك كون . بوني ايسترسه كز رأي اشاري ايله بايام ، ايسترسه كز رأي خفي ايله بايام . بومسئله يي تكليف ايدييورم . نامزدلر او قونسون ، او كا كوره رأي اشاري ايله بو ايشي بر آن اول ويتيره لم . (اولماز ، اولماز (سلسري)

رئيس — تكليف كز مخالف قانوندر .

حسين عوني بك (ارضروم) — مبارك كونده مبارك ايشلر كوريلور . بناء عليه ؛ كونرمز ي ايشه تخصيص ايتمك لازمدر . وظيفه هر شيدن مباركدر . (تعيين اسامي ايله استحصال آرايه باشلاندي)
رئيس — افندم ! ز ايلري استعمال ايتمين آرقداشلر وارسه ز ايلري ورسونلر .

(قرعه كشيده سنده :

مصطفى بك آنطاليه ، رأفت پاشا از مير ، خليل ابراهيم افندي ازميت ، تصنيف آرايه مأمور ايدلدير .)

اقتصاد وئالتی ایچوره انتخاب :

رئيس — افندم ! اقتصاد وئالتی نامزدلری حقنده رئيس پاشا حضرتلرينك تذکره سي وار . اوقه نه جق .

بو يوک ملت مجلسی ریاست جلیله سنه

سری بکدن انحلال ایتش اولان اقتصاد وئالتنه آتیده اسملری محرر نامزدلردن برینك انتخاب بو یورلسنی رجا ایدرم افندم . ۲۹ - ۴ - ۳۳۸

بو يوک ملت مجلسی رئیس

مصطفى کمال

حسن بك (طربزون)

جلال » (صاروخان)

مصطفى » (قوزان)

جلال بك (صاروخان) — افنديلر ! بنده كز بيلبور . سكر كه اپي زماندن بری اقتصاد وئالتندن چكيلم . حسن بك بو اهلیتی تماما خاژدر . بنده كزه رأي ویرمك لطفنده بولنه جق آرقداشلمز احتمالكه واردر . بناء عليه ؛ حسن بکه رأي ویرلسنی استرحام وخی شمیدین عفو کزی رجا ایدرم .

رئيس — افندم ! اقتصاد وئالتی انتخاب باشلا یورز .

دائر داخلیه وکالتندن سؤال تقریری وار ، داخلیه وکالتنه حواله ایدیورز .

افندم ! محاکمات هیئت انتخابی وار . اونك انتخابه باشلا یورز .

لطفی بك (ملاطیه) — رئیس بك ! نیم بر تقریرم وار . او قوندمی .

مأموریه محاکمات هیئتی ایچوره انتخاب :

رئيس — او قورز افندم . افندم ! محاکمات انجمنی ایچون شعبه لردن کوندریلن نامزد لیسته سی او قونه جقدر . مأمورین محاکماتی ایچون شعبه لردن آراهه ایدیلن نامزدلر :

برنجی شعبه ایکنجی شعبه

مصطفى حلمی افندی نیکده شگری بك ، جانیك
مدحت بك ماردین خليل ابراهيم بك آنطاليه
توفیق بك درسم نادر بك اسپارطه
اوچنجی شعبه دردنجی شعبه

مصطفى تقی افندی سیواس

نجیب بك ارطغرل
حمدی بك دیاربکر

بشنجی شعبه

عمر لطفی بك صاروخان
جاوید بك قارص
محمد بك کشخانه

مصطفى کمال بك (ارطغرل) — رئیس بك ! ایکنجی شعبه انتخابی نه وقت یا پیشدر ؟ صوریورم . بن ایکنجی شعبه نك نه وقت اجتماع ایتدیکنی بیلمه یورم .
رئيس — صورمه لزوم کور میورم .

مصطفى کمال بك (ارطغرل) — بنده ایکنجی شعبه دنم . . هیچ بروقت ۲نجی شعبه اجتماع ایتمه مشدر .
رئيس — سز بولنما مقوله ایکنجی شعبه نك اجتماع ایتمه سی لازم دکل یا ... افندم ! قره حصار شرقی معونی علی سروری بك اوچنجی شعبه ریاسته شعبه جه انتخاب ایدلش . .

صالح افندی (ارضروم) — آرقداشلر ! بو کون

لطفاً رأی بکزی استعمال ایدیکز .

افندم! رأی ویرمین آرقداشلر وارسه لطفاً
آنی ویرسون . معامله ختام بولمشدر .
(قرعه کشیده منده :

یوسف ضیا بک مرسین ، شوکت بک بایزید ،
سعدالدین بک منتشا تصنیف آرایه مأمور ایدلدیلر .)
رئیس — افندم! آرا تصنیف ایدیلنجهیه قدر اون
دقیقه تنفس .

ختام جلسه

دقیقه ساعت

ایکنجی جلسه

برأ مذاکرات

دقیقه ساعت

[رئیس: ایکنجی رئیس وکیلی موسی کاظم افندی حضرت تلی]

کاتب : انور بک (ازبیر)

اقتصاد وکیلی انتخابی منافسه سی و مدیریت عمومی

تلی مقصد کی مذاکرات :

رئیس — جلسہ یی کشاد ایدیورم . اقتصاد وکالی
انتخاباته اشراک ایدن ذوات عددی ۱۶۹ ، معامله تمام .
صاروخان جلال بک ۲۵ ، طریزون حسن بک ۵۷ رأی
آئیشلر . (الله موفقیت احسان بویورسون صدالری)
هیچ بر ذات نصاب اکثریتی احراز ایده مه مشدر .
(مستکف قاج صدالری) ۸۴ مستکف واردر .
(آلقیشلر)

حسین عونلی بک (ارضروم) — افندیلر ! هیئت
جلیله وقتیله سیستمز خلافده حکومت ارکانی آره منده
برتساند بولنسی ایچون او زمان هیئت وکیله ریاستنده
بولنان رئیس مزک نامزد کویترمیسی اصولی قبول ایتمش
ایدی . برون تظاهر ایتمش برحقیقت واردر که او قانون
بو کون رسماً دو شمشدر افندیلر ! او قانونک الغاسنه
راضی اولمیانلر وصی به محتاجسه کندیلرینه وصی طوتسونلر .
بویوک ملت مجلسی کندیمی ایچندن وکیلنی انتخاب ایدر ،

نامزد ارانه سنه لزوم یوقدر . آرتق مجلس بو قانونی
یرتمشدر .

شوقی بک (ایچ ایل) — مصطفی کمال پاشا حضرت تلی
ذاتاً آقره مبعوثی امضاسیله بو تکلیفک تعدیلی ایچون
تقریر ویرمشدر .

حسین عونلی بک (ارضروم) — پاشا حضرت تلی ده
انجمنده بو خصوصی قبول بویورمشدر . رجا ایدرم
بویوک ملت مجلسی عاقل و رشیددر ، وکیلنی انتخابده
حر و سربستدر . هر حاله شمعی انتخاب بایلمسی
تکلیف ایلرم .

جمیل بک (کوتاهی) — افندیلر ! شمعی بایبلانی
اقتصاد وکالی انتخاباتنده ۸۴ مستکف بولنسی ظنم
ایدیورم که : بو وکالتک بی لزوم اولدیغنی کویتر
بنده کزده مدیریت عمومی صورتنده اداره سی تکلیف
ایدیورم . بو باده برده تقریر ویریورم . (دوضری
صدالری)

عثمان بک (قیصری) — رئیس بک افندی ! عین
مأله بنده بر تقریرم واردر . اونکده او قوممنی امر
بویوریکز .

رئیس — مساعده بویورک افندم ! شمعی ایکی
تقریر وار . بری قیصری عثمان بک ورفقاسنک ، دیگر ای
بک کوتاهی بک .

ریاست جلیله

احتیاججه متاسب اولمیان تشکیلات حشویه بک
الغاسی ایجابات مالیه دن اولدیغنه شبهه ایدیله من . بونک
ایچون غایه ملیتک حصوله قدر وجودندن استفاده
ایدیله میه چکی ایکی سنلک تجربه ایله ثابت اولان اقتصاد
وکالتک مدیریت عمومی به افراغ و تشکیلاتکده بسیط
برحاله ارجاعنی ومالیه به ربطنی عرض و تکلیف ایلرز .

حکاری بوزغاد قیصری

محمد طوفان بحری عثمان

ریاست جلیله

اقتصاد وکالی انتخاباتنده مستکفین عددینک سکسان
درنه بالغ اولسی وکالت مذکور بک زاید لکنی اثبات

ایچمکده اولدیغندن مدیریت عمومی صورتیه اداره سی تکلیف ایلم . ۲۹ نیسان ۳۳۸ کوتاهیه

جیل

رئیس — هرایی تقرر ی ده لایحه انجمنه کوندر بیورز . (کورولتیلر) مساعده بیورک ! اقتصاد وکالتی انتخاباتده اکثریت اولدیغندن بازار ايرتسی کونی تکرار انتخابات اجرا ایتمک اوزره . . (کورولتیلر ، مجلسده اکثریت وار سلسری)

محمدشکری بك (قره حصار صاحب) — جیل بك آرقداشمزك یاמש اولدیغی تکلیف دوغری بر تکلیف دکدر . اقتصاد وکالتک لزومی یوقدر دیمک ؛ بزم اقتصاد ایشلریله اوغراشمغه قسرتمز واقداریمز یوقدر دیمکدر . (اولیه دکل سلسری) بناء علیه ؛ بونک مناقشه سی دخی دوغری دکدر بو ، کندی قابلیتسز لکمزی دنیایه اعلان لیدیورز . دیمکدر . اقتصاد وکالتی یوق دیمکدر . بونک انجمنه کیمسی دوغری دکدر . دوغریدن دوغری یه بونک ردی لازم کلیر . (شدتلی کورولتیلر ، اکثریت یوق حدالری)

جیل بك (کوتاهیه) — رئیس بك ! تکلیفم تاویل اولندی . ایضاحات ویره جکم . افندیلر ! بنده کز اقتصاد وکالتنه قطعاً لزوم یوقدر ، دیمه بورم . مدیریت عمومی یه قلب ایده لم . اوصورتله اداره ایده لم . بر آتصرف ایده لم . لقصاد وکالتک ، بنده کزک آکلادیغمه کوره ، شمندی یه قدر بودجه مزه ایضا ایتمش اولدیغی خدمت اورمان سر بکچیلرینه اورمان محافظه مأموری عنوانی و بره رک بونارک ۳۵۰ غروشدن عبارت اولان معاشی ۱۰۰۰ غروشه ابلاغ ایلمک صورتیه بیپوده یه بودجده ۷۰ ، ۸۰ بیک ایرا بر مصرف کوستر مکدن باشقه هیچ رایس کورمه مشدر . باشقه بر فائده سنی بنده کز کورمدم . علی شکری بك (طرزون) — افندیلر ! بوتقرر اوزرینه بوراده مذاکره یاپمايز . تقرر هیئت عمومی نك نظر تصویب نه عرض اولوندقدن صکره لایحه انجمنه کیدر . لایحه انجمنی اوزون اوزادی یه مذاکره ایدر ، نقطه نظری بیلدیورم ، بزده اوکا کوزم قرارمزی ویررز . یوقسه شمیدیبن قرار ویرمک دوغری دکدر . چونکه

بر قانون دیکشدرمش اوله جغز .

جلال بك (صاروخان) — افندیلر ! ظن ایدرم که اقتصاد وکالتی حقنده سوز سویله مک صلاحیتی لطفاً بنده کزه بخش بیورر سکز . اگر مملکتتمزك حقیقی منفعتلری دوشونبورسه ق — که دوشوندی کمزه شبهه یوقدر — اقتصاد وکالتی داخلیه وکالتدن دخی مهمدر . لطفی بك (ملاطیه) — زراعت معلملرینک فائده سندن بحث ایدیگز .

جلال بك (صاروخان) — اوله بیلیر افندم ازراعت معلملری بلکه لزومسزدر . فقط ؛ بنده کز مساعده بیورر سه کز تقرر سندن بحث ایتمه جکم ، اساسه کیره جکم . و بو کونکی تشکیلاتک هیئت عمومی سنک دوغری اولمادیغی و بو کیکی برسیتم ویرمسی لازم کلدیکنی عرض ایده جکم . مصطفی صبری افندی (سرد) — زمان وکالتک زده نهن ویرمدیگز ؟

جلال بك (صاروخان) — اقتصاد وکالتی بودجه سی موازنه مالیه انجمنده مذاکره ایدیلیز کن اوراده کی آرقداشلمک خاطر سه مراجعت ایدرم . ۳۳۷ سنه سی بودجه سی کندیلرینه تقدیم ایتمدیکم زمان — فلان مأمورک م باشندن تنزل ایتمک ، فلان مأمورک معاشنه ضم ایتمک ، فلان مأموری قادر و خارجی یایمق ، بونلر حائز اهمیت دکدر افندیلر ! — مملکتتمزده اساسی برسیتم اقتصادی قبول ایتمک لزومی کندیلرینه سو بلیدیکم وقت اوتدنبیری تعقیب ایملن واستانبول تجارت نظارتک اساسلری یورایه نقل ایدن اقتصاد وکالتک ؛ بر فائده ویرمدیکنی ویره میه جانی آکلایمق ایسته مشدم . صکره ایکنجی بر مسئله — آرزو ایدرسه کز بو مسئله حقنده اوزون اوزادی یه کوروشه بیلیرز — افندم ! ایکنجی بر مسئله : هرشی یایمق مسئله سی : حکومتک هرشی یایماسی مسئله سنک مملکتتمزده غیر قابل اجرا اولدیغی آکلالمشدر شو طایفه یاپه بیله جکمز شی مملکتتمزده یقشن مواد ابتدائی یی موضوع بر حاله کتیرمک ، کوچک صنایع میزی — مع الالف مملکتتمزده صنایع جسمیه یی دوشونه میز — ارباب صنایعی فیلاً و ماده های ایتمک ، ارباب تجارتمزی فعلاً و ماده های

اینگان احباب ایدر سه، ملک تده حکومتله مشترکاً مؤسس له وجوده
 کثیرتک، یته حکومتک واهالینک اداره سنده بولنان مؤسس له ری
 تقویه ایتمک، بوتون بواساسلری عرض ایتمشدم . او حالده
 افندیلر بونلر یاباد قجه ویا خود یابلاماد قجه مملکت مزده
 شمیدیکی اقتصاد یادن فضلده بی بکله مک بالطبع زائد اولور .
 اقتصاد وکالنتک بودجه سنی آله آلکز، مثلاً هر دائره ده بر
 مدیره ایکی کاتب واره مثلاً بر صنایع مدیری ایکی کاتبی بوتون
 وسائط اجراییه سی بوندن عبارتدر . وبالطبع اوج درت
 یعنی کشینک یاباجنی بر ایشک مملکت مز اولزنده یابه جنی
 تلثیر بالطبع غیر محسوسدر . بنا علیه ؛ مملکت مزده منتظم
 ونکی برسیستم، اصول قبول ایتمک مجبوریتده یز . فقط ،
 بالکرتونی قبول ایدوبده بودجه ایله ، شمیدی اولدیغی
 کجی هیچ بر شی ویرملمک بالطبع آتی اعتباریله بر شی
 یابلاما مقلنی ایجاب ایدرکه بزم ایچون الیم بر درس تشکیل
 ایدر .

اقتصادیات مسئله سه کنجه : افندیلر ! بو مملکتده
 آزچوق صنایع ، آزچوق تجارت واردی و بو مملکتده
 آزچوق رفاه واردی . فقط ، بور فاهک آزالمه سنک ، بو
 قصادیاتک تنزلتک اسبابی بر آزدها ایلروده آرامق لازم
 کلور . بز کندیمزه عائد اولمایان اساسلر داخلنده
 سور وکلندک . بزدن فردیت اعتباریله سرمایه سی دها قوتلی
 اولانلر ، بزم مملکت مزده سیاست قوتیله ، قایتالاسیونلریله
 مملکتده موقع فازاندیلر و اقتصادیاتمزی محو ایتدیلر و بز
 طاجز وضعیف بروضیته قالدق . بزم مملکت مزده سیستم
 اقتصادی اسکیدن بری جاری اولان (لیبه الزم) اصولیدر .
 بر شو شکلده دوام ایتدکجه و فردلریمزی سر بست رقابت
 قلد شیسنده حمایه سز بر اقدق بز قطعاً اقتصادیاتمزی تنظیم
 ایدیمیر . امکانی یوقدر . شو حالده تکرار ایدیورم .
 حکومت اقتصادیاتمزی قمللاً ، ماده حمایه و تقویه ایتمک
 مجبوریتده یز .

لطفی بک (ملاطیه) — اقتصاد درسیعی او قویوروز ؛
 جلال بک (صاروخان) — اوت افندم ! بونک
 اطرافنده افزون بولی کوروشه بیلیرز . افندم ! سزه بر
 منالک سوبلیهیم (کورولتیلر) لطفی بک افندی ! براز صبر

بو یوریکز شونی سوبلیهیم که سنده کز عاجز بر آرد قد اشکمز
 نه کیم عجز می آکلادیم ون وکالندن چکیلدم (دوام صدالری) !
 (استغفرام سسلری) مادی و پراتیک نه ایش یابه بیلیرز قجه
 متصرفلقلرک بمضلری مثلاً ؛ بکا بولی متصرفی دییور که سنا
 بوراده بر اوسته واردر . اکر بوکیار دیم ایدیلیرسه ، تقویته
 ایدیلیرسه مملکتک صنایع حدیدییه عائد اولان بوتون احتیاجلویانجا
 تأمین ایدیه بیلیر . بو آدمه یار دیم ایدیکز بو آدمک سرمایه سی
 یوقدر . فقط عرفانی بک یوکسکدر . احتیاجی ده بر قلاچ
 فضلده طور نه آلمقدن و آلات وادواتی تزید ایلکدن عار بکدن
 ۵۰۰ - ۶۰۰ لیرا قدر بر سرمایه ایله کندیسینک ققوله
 ایدلسنی ایسته یور . متصرف یوقدر . پاره بی بولمقدن عاجز اولان
 بودجه سی بوقیل ارباب صنایعه یار دیم ایدیه بیلیمک امکانی تأمین
 ایتمز . مملکت مزده حکومتک صنایع باقیه سی مع المضاف
 موجود کلدر . زراعت باقیه سی ارباب زراعته مخصوص کلدر .
 بالق عثمانی قره دی یابماز . شو حالده افندیلر ! بولونان
 احتیاجی تأمین ایدیه بیلیمک ایچون بر متصرفک بر اقتصاد
 وکیلک اننده قدرت اولماز سه نه یابه بیلیر ؟

صالح افندی (ارضروم) — هیچ بر شی اولماز .
 جلال بک (دوامله) — ایسته افندیلر ! یابله جق شی
 او قدرتی ایش درعهده ایدنلره ویرمکدر . وساطتی
 احضار ایتمکدر . بونی یابه جغز و یابدیفمز زمان مملکت مزده
 حیات اقتصادی فیشقیره جقدر . و بونک سیستمی قبول
 ایدیه جکز .

تحسین بک (آیدین) — ایش درعهده ایدیه جک
 اولان آدملر کیملر اوله بیلله جکلدر ؟
 جلال بک (دوامله) — ذات عالی کزدر ! افندیلر !
 انجمنک موافقتیله اورمان بکجیلرینک معاشیلرینه ضمیمه
 یابدق و فقط ؛ بن بر مؤسسه اقتصادی ده چالیشیش بر ادم
 صفتیله . . .

مصطفی صبری افندی (سعد) — ایکی سینه بک
 اقتصاد وکیلکز اناسنده کی اجرا آتکزه فعلاً مشاهد کویم ایز
 سه کزدها ای اولور .
 جلال بک (دوامله) — افندم ! آرقداشیلریم
 اورمان بکجیلرندن و سائر دن بحث ایتدیلر . اوت

صلاح الدين بك (مرسين) — خير اقدام استقامت
 بويوريكز. مجلسه باشقه صورتله واقع اوله جوق و يئكز بر
 تكليفك ده عين صورتله رد ايديله چكنه شهبه اينده سون.
 مجلس بوطر زتسويه نك مقبول اولماديني قاضى كوستر مشكده.
 شمدي بوباده كي مذاكره بي آخر وقت بر ائقده كي مقصدي
 آكلامبورم . (كورولتيلر)

رئيس — مأمورين محاکات هيئتى اعضائى اجتماع
 اشتراك ايدن ۱۶۲ ، معامله تمام اولوب رأى الان ذوات
 نصاب قانونى موجبجه اكثريت قازانه دقلرندن يئيكين
 انتخاب ياييله جقدر .

بازار ايرتسى كوني اجتماع ايتك اوژره جالسهي
 تعطيل ايديوورم .

ختم مذاكرات
 دقيقه ساعت
 ۰۰ ۴

اجتماع آنى روزنامسى

- ۱ — ضبط سابقه مخلصى
- ۲ — اوراق وارده :

تكليف قانونيلر
 اعضاى كرامك خرج راهلرى حقده ملاطيه مبعوثى لطفى
 بك تكليف قانونيسى (لايحه انجمنه)
 سؤالار

اسپارطه مبعوثى نادر بك بره هندسه دائر نامه وكالنتين
 سؤال تقريرى

اوراق مفرقه

۲۳ نيسان تبريكنه دائر مورد تلفر افئل
 حمايه اطفال جمعته واردات تأميننه دائر مختلف انواع
 قانونيه نك مستعجلا مذاكره ايدلسى حقده بولى مبعوثى
 فواد بك ورفقاسنك تقريرى

مملولين غزات حقنده كي تكليف قانونيينك ترجيحاً مذاكره
 حقده كوتاهيه مبعوثى جيل بكك تقريرى
 انجمنلردن ردی متضمن اوله رق ورود ايدن تقريرلر
 صاحبي موجود اولمادقجه تأخير مذاكره سي حقده جيل بكك تقريرى
 انتخابات

اقتصاد وكيل انتخابى
 مأمورين محاکات هيئتى انتخابى
 مذاكره ايديله چك مواد

استثنائيت ومؤجلت عسكريه بر كوسى حقده لايحه قانونيه
 حرب قازانجلى قوميسونى حقده لايحه قانونيه
 انقره : توركيا بويوك ملت مجلسي مطبوعه

اقتدير ! اقتصاد وكالته كلن اجماللردن آكلاشيليوركه
 اورمان وارداتى بوسنه ۶۰۰ بيك ليرايي چكمن . بن بر
 مؤسسه اقتصاديه ده چالشمش بر آدم صفتيله هرشيدن اول
 ايستايستيقاره قيمت ويريرم . اورايه باقديغ زمان كوردم كه
 اقتصاد وكالتى تشكىل ايتديكي زمان اورمان وارداتى ۳۰۰ بيك
 ليرادن عبارتدي وچن سنه تشرينلره قدر كلن استايستيقارده
 ايسه اورمان وارداتى ۶۰۰ بيك ليرايي چكمشدي .
 اورمانلرده انضباط تاميله تأسس ايتديكي وقت وارداتك
 كون بيكون تر ايد ايتمكده اولديغنى كوريبوردم . شوخالده
 ياييلان اجراآت منمر برشكده اوليوردي . بناء عليه ؛
 مملكتهك اقتصادياتى تنظيم ايتليسكز وبونى تنظيم ايچون
 هيچ رفاكارلقدن چكمنه مليسكز .

رئيس — افندم ! مسئله بو قدر . يالكر جميل بكك
 بر تقريرى واردر . اقتصاد وكالته مديريت عموميه يه قلب
 ايدلم ديور . لايحه انجمنه كيمه شه هيئت جليله كز
 لزوم كورمشدي .

جيل بك (كوتاهيه) — رئيس بك ! مستعجلا كيتسون .
 رياست جليله يه

بويوك ملت مجلسنك صلاحيتنى تحديد ايديله چك قانونلر
 موقع حقوقيسى بو قدر . بناء عليه ؛ بعض اسباب دولاييسيله
 مقدا رعایت ايديلن يا كاش بواصولدن هيئت جليله نكول
 ايتديكى كوستريور . نامزد ارائه شه لزوم بو قدر .
 همان دوغريدن دوغرى يه انتخابك اجراسنى . تكليف ايدرم .

ارضروم
 حسين عونى

رئيس — افندم ! بوده برتكليفدر . دمين ويريلن
 قانونك تعديل حقنده كي تقريرك ناصل لايحه انجمنه
 كيمه سي لازم كليورسه بونك ده لايحه انجمنه كيمه سي لازمدر .
 حسين عونى بك (ارضروم) — رئيس بك ! لايحه
 انجمنه كيمه كي لزوم بو قدر . مجلس نظاهرايله فكرينى
 كوسترز . رجاييدرم رايه قوييكر . لايحه انجمنه كيدرسه
 كبرى آليرم . هيئت جليله ايسترسه بوندن صوكره
 وصايتنى باشقهرينه ويرسون . بن ويرميورم . تقريريمى
 كبرى آليورم .

رئيس — افندم ! مأمورين محاکات انجمنه . .